



**Io. Iac. Chiffletii De Linteis Sepvlchralibvs Christi
Servatoris Crisis Historica**

Chifflet, Jean-Jacques

Antverpiae, 1624

Cap. XVII. Gaufridus de Charny Eques Burgundus Sindonem Christi
Ecclesiæ de Lireyo in Trecensi Diœcesi à se exstructæ attribuit: quomodo
ibi habita Sindon.

[urn:nbn:de:hbz:466:1-64456](#)

lariosexel, Sequanum (cuius opes venere in Marchionem Varambonium ex illustri familiâ *de Rye*) coniugem habuisse Margaritam illam Charnensem, Gaufridi *de Charny* Burgundi Equitis, & Philippi quondam Valesij ac Ioannis Francorum Regum Regij Signiferi neptem. Illud quoque in Campaniâ maximè & Burgundiâ notum perulgatumque est, sacrum Linteum, proximè antè quam Camberium inferretur, nec in Cypro, nec in vllâ Græciæ Asiæve parte, sed in Burgundiâ per annos quatuor circiter supra triginta asseruatum, quo venerat è Campaniâ; vbi habitum annis minimum sexaginta, in Sacrariis Capituli beatæ Mariæ de Lireyo, Tricassinae Diœcesis: quæ omnia operæ pretium facturum me existimo, si altius repetam, & indubitatae fidei testimoniis affirmem.

CAPVT XVII.

Gaufridus de Charny Eques Burgundus Sindonem Christi Ecclesia de Lireyo in Trecensi Diœcesi à se extructa attribuit: quomodo ibi habita Sindon.

REVERT Froissartes volumine primo Histo-<sup>Cap. 150.
151-152.</sup>riarum, aliique rerum Francicarum Scriptores, Calitio (*Portus Iccius* est nonnullis, aliis *Por-*

Portus Morinorum) ab Anglis ditione recepto,
die vltimâ Augusti anno M. CCC. XLVII. Gaufridum
de Charny Burgundum Equitem prouinciae Pi-
cardiae (quà imminebat hostis) à Philippo Vale-
sio præfectum, eidem Regi vltrò pollicitum fuī-
se anno M. CCC. XLVIII. se Calitium primo ipso die
sequentis anni M. CCC. XLIX. pro xeniis ei oblatu-
rum; ac deinde astu & proditione Aymerici Pa-
piensis, Caletanæ arcis pro Anglis Præfecti, qui
cum Francis amicitiam simulauerat, cæso fusō-
que Gallorum exercitu, Gaufridum Ducem,
contrario quàm sperauerat euentu, captum ab
Anglis, & in custodiam datum Kalendis ipsis
Ianuariis, quam ille diem vrbi potiundæ dixerat:
non absimili fortunâ, (etsi causâ meliore) ei,
quam anno M. CC. XIV. expertus fuerat Ferdinandus
Flandriæ Comes, qui nobili pugnâ Bouinensi, à Philippo Augusto, Francorum Rege pro-
fligatus, Lutetiam, quam ex magicæ statuæ falla-
cioraculo, ouantem se ingressurum crediderat, in
hostis triumpho vel inuitus inductus est: aut ille
de quo Saluianus: Dux nostræ partis eamdem vr-
bem hostium, quam eodem die victorem se intraturum
esse præsumpsit, captiuus intravit. Et mox: Habens
predatoris fiduciam, præda factus est; triumphum præ-
sumens, triumphus fuit. Captum porrò Gaufri-
dum,

L. 7. de
Prouid.

dum, non mediocri Regis Anglicani lætitia, qui
eius virtutem bellicam s̄æpiùs magno rerum sua-
rum detimento expertus fuerat, refert Nicolaus
Camuzatius amicus noster in Castro Caletano
coniectum in arctissimam custodiam: *Vbi, cùm*
ipse Gaufridus, inquit, vt nonnulla antiqua Ecclesia
de Lireyo monumenta referunt, graui animi anxieta-
te angeretur, quòd Rex Anglia eum pecuniariâ re-
demptione liberari prorsus abnueret; ad diuinam opem
& præsidium confugit, Deiparâ Virgine intermedia
sibi ascitâ; voto sese obstringens, construenda eius no-
mini basilicæ, si à dictâ custodiâ eductus pristinam li-
bertatem recuperaret. Is cùm votum emisisset, statim
sub humanâ specie duo Angeli ei apparuere, qui cùm
priùs sciscitati essent, an votum quo se obligarat per-
solueret, firmusque & constans in eo persisteret; itera-
toq; ex animo & repetito voto, actutum carceris fores
ei diuinitùs patuerunt: & à dictis Angelis, armis de-
center circumcinctus, equoque generoso donatus; ita
expeditus adiunxit se Anglicis copiis, qua extemplo è
Caletana ciuitate in prælium cum nonnullis Gallis,
qui propius ad eam urbem acceſſerant, exiuerunt. Ibi
acriter pugnatum, & in ipso conflictu dictus Gaufridus,
Deo ita volente & disponente, in manus incidit
*Gallorum: à quibus cognitus, benignè & alacriter sus-
ceptus est; cunctis ad tanti miraculi relationem non*

In Própt.
Sacrar.
Antiq.
Tricass.
Dioecesis.

N tam

98 DE LINTEIS SEPVLCHR. CHRISTI
tam mirantibus, quam stupescientibus. quod quidem
alibi scriptum non offendit. Verum enim in uero, siue fa-
ctum siue fictum sit miraculum prasignatum, liquido
constat, praefatum Gaufridum peculiari quadam de-
uoti animi religione in sacram Virginem affectum
fuisse; quam cum pie coleret & veneraretur, Eccle-
siam eius nomini consecratam, non multò post carceris
euasionem, excitandam procurauit, in oppidulo de Li-
reyo, cuius erat Dominus, tribus leucis ab urbe Tricas-
sinā dis̄ito, eāmque tantis redditibus locupletauit, quanti
Canonicis, qui ibidem diuini Officij munus in perpe-
tuum obirent, sustentandis erant sufficiunt. Subiicit
Camuzatius Instrumentum dotationis Ecclesiæ
B. Mariæ de Lireyo, datum à Gaufrido anno
Christi M.CCC.LIII. Indictione sextâ, die vigesimâ
Iunij. Sanè de Gaufrido Angelicâ ope ex hostium
manibus erepto, verbum non faciunt Historici
vel Anglicani vel Franci; quin potius asserunt,
eum ab Anglis Calitio deportatum in Angliam,
eiusque caput anno M.CCC.LI. regnante iam tum
in Galliâ Ioanne, magnâ pecuniâ vi redemptum.
Neque idcirco fidem abrogo historiæ illi, quam
ex Lirenſis Ecclesiæ Commentariis quibusdam
refert Camuzatius; cùm expressa iam olim videa-
tur fuisse in Lipsanothecâ argenteâ illius Eccle-
siæ, quæ describitur in litteris Humberti Comitis
à Ru-

à Rupe, sequenti Capite referendis. Angelus est capillū beatissimæ Virginis vasculo clausum manu gestans , ac turri tribus columnis impositæ insistens ; quâ in turri statua Equestris Charniensibus Insigniis decora conspicitur, Gaufridum opinor repræsentans , Angelicâ ope , voto Deiparæ nuncupato, carceribus erectum. Satis constat, sæpè aliâs captiuos diuinâ virtute solutos ergastulis, & è custodiâ subductos; vt Gerardum S.Bernardi fratrem , eiusdem precibus; Carolum Prouinciæ Comitem beatæ Magdalena e ope; complures votis diuo Leonardo nuncupatis; alios aliâ ratione: vt mirum videri non debeat id quoque Gaufrido beneficij diuinitùs impensum; quod ab Anglicanis illis, Francisque, bellorum potius quam rerum sacrarum Scriptoribus, aut ignorari potuit, aut de industriâ prætermitti. Verum quacumque tandem ratione Gaufridus ex hostium potestate euerterit, constat illum ad suos reducem, sacram çdem beatæ Mariæ de Lireyo extruxisse , ac in eâ adorandum linteum, corporis Christi notas & linea- menta referens , perhonorificè collocasse, vt expressè habetur ex plurimis Campaniæ Burgundiæque consentientibus monumentis, atque instrumentis publicis infrâ citandis; ubi perpetuò *Sudarium* appellatur. Quomodo autem sacra

N 2

Sin-

100 DE LINTEIS SEPVLCHR. CHRISTI
Sindon à Trecensibus habita sit , paucis enar-
randum.

Cùm magni ad Lirensem Ecclesiam visendæ Sindonis causâ concursus fierent, Henricus de Pictaviâ Trecensis Episcopus , circa annum Christi M. CCC. LV. ratus non esse illam veram Christi Sindonem , quòd Theologi quidam affirmarent, id alioqui non omittendum fuisse ab Euangeli- stis, si hæsisserent linteo diuini corporis notæ; auaritiæ Decanorum & Canonicorum Lirensum adscribens , & redigendæ pecuniaæ, ac donario- rum cupiditati , quòd ij populorum excirentur conuentus; habitu priùs concilio, aduersus Li- renses pro suâ auctoritate agere cœpit. Tunc ergo aliò translata est Sindon, etiam vt ferebatur, extra Diœcesim; nec ymquam publicè proposita per annos ferè quatuor & triginta: quibus elapsis , se- dem Trecensem obtinente Petro de Arceys, ite- rùm productum est Sudarium à Gaufrido *de Charny*, Gaufridi fundatoris filio, Lirense oppi- duli Domino, & Ecclesiæ Lirense restitutum, vt veteri more populo exhiberetur. Quod vt secu- riùs fieret, obtinuit Gaufridus à Petro tituli S. Su- fannæ Presbytero Cardinali de Thureyo, Cle- mentis VII. Antipapæ ad Carolum Francorum Regem Legato, facultatem Sudarij illius in Ec- clesiâ

clesiâ Lirensi honorificè custodiendi, non petitâ licentiâ ab Ordinario loci, nec obstante eius prohibitione vllâ, eò quod à patre suo Gaufrido, eius Ecclesiæ fundatore, in eâ collocatum esset. Eo indulto commotus Petrus de Arceys Episcopus; quodque insuper vltrâ quâm concessum erat, Sudarium maximâ pompâ, cum facibus & sacris vestibus è celso peggmate ad idipsum extructo spectandum omnibus proponeretur; intentato se uerè anathemate, vetuit pannum illum proferri populo adorandum, donec Summus Pontifex super hoc aditus, rem definiuisset. Gaufridus contrâ rescriptum quidem tulit à Carolo Rege (dicto *Sexto*, cognomento *Beneamato*, Caroli Sapientis filio) quo Lirensibus Decano & Canonicis Sudarium de more publicè explicare liceret: agente tamen Episcopo, & Regi exponente, quod ex eâ solemni exhibitione, idolatriæ scelus in credulas mentes irreperet, nouo edicto Rex concessionem suam irritam fecit, sanxitque dato instrumento Lutetiæ Parisiorum, quartâ Augusti, anno regni sui nono, Christi M.CCC.LXXXIX. vt Sudariū extra Lirensem Ecclesiam priuatim asseruaretur, donec aliud super eâ re fuisset constitutum. Prouocatur interim ad Clementem, existimatum à multis Pontificem;

N 3 à quo,

à quo, agente Gaufrido, rata habetur permisso à Cardinali S. Susannæ Lirensibus facta , perpetuumque silentium Episcopo Trecensi imponitur. Quo auditio Petrus de Arceys , libellum supplicem adornat prolixissimum , vbi re totâ altius repetitâ , & gestis in causâ enarratis , contendens Sudarium illud humanâ arte depictum esse , nec esse illud ipsummet , quod sacrosancto Christi corpori adhæsit; ac eius publicâ ostensione , hinc saniores offendì grauissimè , inde rudem atque imperitam plebeculam vanis religionibus impli- cari; abstulit à Clemente diploma , datum Aue- nione, octavo Idus Ianuarij, Pontificatus duode- cimo, hoc est anno Christi m.ccc.xc. (sed item Auenione Antipapa, ab anno m.ccc.lxxviii.) quo diplomate sanxit, ut pannum quidem illum pa- lâm omnibus explicare liceret , sed absque faci- bus, cereis, lampadibus, aut sacro ornatu, & cele- britate vllâ; vtque is qui populo linteum exhibe- ret, publicè & clarâ voce proclamaret, *quòd fi- gura seu representatio prædicta (Clementis verba sunt) non est verum Sudarium Domini nostri Iesu Christi, sed quadam pictura, seu tabula, facta in fi- guram, seu representationem illius.* His ita constitu- tis sensim minui cœpit religio erga sacrum lin- teum. Neque ultrâ super eo disceptatum lego in- ter

ter Trecenses. De illius ab Antipapâ prolatæ sententiæ inanitate agam infrà ex professo; nunc quâ ratione diuina bonitas, pretiosissimum illud nostræ redemptions pignus, honori suo reddiderit, amplius exponendum est.

CAPVT XVIII.

Transfertur S. Sindon è Campaniâ in Burgundiam: multa nequidquam conantur Lirenses ut illam recipiant: Camberij denique non sine miraculo relinquitur.

INDIGNI erant Trecenses diuino dono, cui fidem cultumque omnem derogarant. Ardebat Galliae bellicis tumultibus, ac Ioannes Burgundiæ Dux Lutetiam ipsam regni Francici caput magnâ editâ strage occupauerat, anno Christi supra millesimum quadringentesimum octauo decimo, mensē Maio exeunte. Ergo Lirenses à loco minùs tuti, dum rebus suis cautum esse volunt, Humbertum adeunt Comitem à Rupe, Dominum de Villariosexel & de Lireyo, qui Margaritam Charniensem, Gaufridi Ecclesiæ suę institutoris neptem, in matrimonio habebat; rogantque ut vasa sua, sacrumque instrumentum reciperet in custodiam; atque in tuto collocaret,

inte-